



Naqqiut

Siunnersuut 03. februar 2025-meersoq taarserpaa
(Makku naqqiutigineqarput siunnersuuteqartup aqqi.)

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiunneqarpoq:

Naalackersuisut sulianut anguniakkanullu annertuunik anguniagaqartillutik tamatigut angunissaannut piffissamik missiliuteqartuarnissaannut peqqusisoqartarnissaq pissusissamisoornersoq apeqquteqaat aallaavigalugu oqallisissiassatut siunnersuut

(Inatsisartunut ilaasortaq Pele Broberg, Naleraq)

Ingerlatsivinni aqutsilluarniaraanni, anguniagaqassatilluni siunertarisap angunissaanut missiliutaasumik piffissaliussisarnissaq pissusissamisoortutut pisariaqartutullusooq ippoq.

Soorunami arlaannik pisoqartillugu piffissarittat allanngorsinnaasarput. Nunatsinni mittarfissualiornerit¹ aallaqqaataani piffissarittaat sivikinneruvoq, kingornalu naammassinissaa ukioq 2023-nngortinneqariarluni², taannalu kignuaqqueriarluni³, suli kinguaattooqqeqattaareerpoq.

Pissutsit allanngorsinnaapput, soorlu piffissarittat aamma allanngorsinnaasut. Kisianni ilumoorullugu piviusunngortinniagaqarluni anguniagaqaraanni, missiliummik piffissalertarluni aallaaveqartarnissaq pitsaasuvoq.

Soorlu assersuutitut takusinnaavarput, Naalackersuisut qaqugu Kalaallit Nunaata imminut naalagaaffittut oqartussaaffigilernissaanut Namminersornermut Inatsit naapertorlugu isumaqatigiissutip sinaakkutissaanik, Naalackersuisut akisussaaffigisaata ataaniittumit, tunniunnissaanut piffissaliisimangitsut.

¹ Inatsisartut, inatsisissatut siunnersuut EM2018/21, allallu

² <https://kair.gl/da/Nyhedsarkiv/2019/7/Lufthavnsprojekterne-i-Ilulissat-og-Nuuk-gaar-i-gang>

³ <https://knr.gl/da/nyheder/finansloven-udskyder-nye-lufthavne>



Naleraq

Aqutsilluarneq ingerlanneqalernissaa anguniarusullugu, piffissarititaasussamik missiliummik siunnersuutip akuerinerani piumasaqartariaqassanersugut aperivunga. Naalackersuisut Inatsisartullu piffissamik missiliuteqartuarnissaamut isumaa takuneqarsinnaava? Anguniagaqaqqissaarnerarluta piffissamilli missiliuteqartitsinngisaannartarnerput ilumut akueriinnassanerparput?

Iliuseqaqatigiissinnaanermut inatsisartoqatit tusarniaavigaatsigit, neriullutalu tamanna pillugu oqallilluarumaartusi, arlaatigullu Naalackersuisut pitsaasumik siunnerfeqarsinnaalerumaartut